

重德章第二十六

重為輕根心為萬物之宗靜為躁君道為一身之體

玉華帝君注曰天下輕重之數靜躁之分夫人而知之也而輕必借麗於重躁必待鎮於靜則未之有知故直揭之曰重為輕根言有重者鎮壓中央而以駕輕車便無顛覆之患非輕之根而何靜為躁君言能主靜寂然不動而以應萬事始見感通之神非躁之君而何躁即動也

是以聖人終日行日行火候不離輜重時運河車雖有榮觀無所貪著燕處超

然心超物外

又曰聖人惟知此道所以終日行之而不離乎輜重以重為

道藏輯要

道德經解

无

心集一

輕根故也雖有榮觀言熱鬧場中雖光榮足炫而本然清虛之體故自超然不亂以靜為君故也

奈何萬乘之主心而以身輕天下戀有貪生則失臣輕動搖精躁則失

君躁妄亂神

又曰言道既尚靜尚重如是世之人主所當奉若不違奈何撫有萬乘而以身輕天下也哉故君輕則遊豫逸樂無節鮮克勵精圖治臣庶知其不足以輔則望望然去之輕之故也不知道有重也夫君輕且失臣而况臣之躁乎臣躁則急功謀利而少協恭和衷之忱君知其不可以用則擊帶以褫之者躁之故也不知道在靜也既以責君而兼以勵臣君臣交

勉於道嚴矣哉

巧用章第二十七

善行無轍迹

以心知善言無瑕謫

以性覺善計不籌策

以神合善閉無

關鍵而不可開

於無神善結無繩約而不可解

於道無

玉華帝君注曰車馬輪轅周行必留轍迹此物勢之必然者也而本道以行則不少留夫軌迹善行也繁稱博引矢口易招愆尤此與戎之所致戒也而準道以言則不予人以瑕謫焉善言也思前想後圖謀必事籌畫此人情之所必爾也而依道以計則自然中款無所用籌策也善計也推之於閉不用關鍵局固而不可開非善閉而何充之於結無繩約而物

道藏輯要

道德經解

三

心集一
上三四三

束不克以解非善結而何是皆所謂道也即所謂道之自然也

是以聖人常善救人

視人猶己故無棄人

均氣同體常善救物

棄物

隨機利物是謂襲明

定能生慧

又曰夫行善言善計善如是而尚不可以救人救物乎哉能救人則天下無棄人矣能救物則天下無棄物矣故曰聖人云云襲沿襲也相沿不絕之謂言庸流域於耳目物我之間恒分畦畛猶坐井觀天焉得為明惟聖人視人猶己欲立立人且甯不立己必欲立人欲達達人亦甯不達己必欲達人心心相印息息相通如傳燈之相續不絕其明大矣遠矣不